



*Comunu de  
Donori*

## Crèsia Sa Defenza



Paris cun sa crèsia de citadi, in Donori ddoi est sa cresiedda de sartu puru, dedicada a Sa Madonna de sa Defenza (est a nai Madonna della difesa). Custa cresiedda est ingiriada de olivàrius e de sartu.

**Indiritzu** 09040 Donori SU, Itàlia

### **Punti di contatto**

- **Crèsia sa Defenza** : [070981171](tel:070981171)

Sa Crèsia de sartu dedicada a sa Madonna de sa Defenza dd'iant fraigada in su 1732. Ingiriada de sartu e de olivàrius est in localidadi Coxinas. A ingiriu de sa fraigadura sua ddoi funt unu muntoni de contus e fàbulas. Is bècius narànt chi dd'iat pesada unu bandiu brabaxinu chi, arrennescendi a si ndi fuiri de sa giustìtzia, iat scioberau che cuadroxu su monti Su Zurru, e ingunis a canta iat fraigau sa crèsia, dedichendi dda a sa Madonna, ma atrus contus, prus

documentaus, narant chi fut stètiu unu meri mannu a ndi bolli sa fraigadura candu su tallu suu cun su pastori dd'iant sarvau de unu strossu inundau.

Su fràigu est a pitzu de unu fràigu prus antigu e amosta una naviada sola cun crobatura de linna a intrainaduras. Duus aposentus aciuntus a costau funt sa salghestia. Sa faciada, incarcinada de biancu, tenit unu campanili a vela cun bifora a duas campanas; una lolla dd'ingiriat in tres ladus (a innantis e a is ladus). S'internu, simpri e austeru, allogat una pintura nodia de sa Virgini.

Sa crèsia est logu de festas ritualis e religiosas. Sa prus de importu est cussa chi alàbat a sa Madonna de sa crèsia, chi si fait sa de tres coexida de cabudanni. De interessu mannu sa brufessione costumada chi su domìnicu a meri torrat a acumpangiai sa stàtua de Sa Defenza a sa Crèsia de Santu Giorgi Obispu, cun su corteu de felis in bestiri traditzionali e de is tracas (is carrus allichidius e tiraus a boi).